

**Banidat den Griego ta nifiká:**  
**sin saber di e Bèrdat, bobedat, perversidat, fragilidad, falta di vigor.**

**Banidat den Hebreo ta nifiká:**  
**dios falsu, falsedat, bashí, inútilidat, sin Fe.**

Den **Romanonan 10:17 tin skirbi:**

Asina ta ku **Fe** ta bini for di tendementu di **e mensahe**, i tendementu pa medio di **e palabra; e mensahe berdadero i honesto** ku a bini for di e **lepnan di Kristu, e Mesias Mes, Esun Ungi**.

E **Fe** skirbi den **Romanonan 10:17** kièr-men: e konvikshon di algu ku ta **Bèrdat**, kreensia, e konvikshon òf kreensia ku ta **respetá** e relashon entre **hende** i **Dios** i kosnan **Divino**, inkluso e idea di **konfiansa i fabor Santu** di **Fe** den **Dje**, e konvikshon ku **Dios** ta **eksistí** i ta **Kreador i Gobernador** di tur kos, **Proveé-dor i Duna-dor** di **Salbashon Eterno** dor di **Kristu**, e konvikshon fuerte ku **Kristu** ta e **Mesias, Esun Ungi** dor di kual nos ta **optené Salbashon Eterno** den e reino di **Dios**.

Den **2 Korintionan 1:21 tin skirbi:**

Ta **Dios** mes ta **sigurá i hasi** nos **firme i establese** nos **huntu i den union** ku **Kristu, e Mesias, Esun Ungi**. Ta **É** mes a **konsagrá i ungi** nos, ku **Su Unshon** den e **fruta, regalo** di **Spiritu Santu**.

Si **Su Unshon** ta **berdadero i honesto** i **no un mentira òf falsedat**;  
2. Ta nifiká awor ku e **Fe** di den **Tèstamènt Nobo** a **remplasá** e **Lei (Torah)**, e **mandamentunan, e enseñansa** di **Tèstamènt Bieu**?

**Yeshua, Esun Ungi** a bisa den **Tèstamènt Nobo** ku **E** no a bini pa **remplasá, deshásí, abolí òf destruí**, e **Lei (Torah)**, e **mandamentunan, e enseñansa** pero pa **kompletá, yena, abundá, fasilidat; pa traha un fundamentu riba kua nos por sigui konstruí**, asina nos por **komprené** e **Lei (Torah)**, e **mandamentunan, e enseñansa** (**Mateo 5:17**).

**Yehovah, Dios Tata** a duna den **Tèstamènt Bieu** e **Lei (Torah)**, e **mandamentunan, e enseñansa**. **Dios Tata** a duna nos **Su Grasia**, (**Num. 15:13-16, Deut. 18:18-19, Sal. 89:26-35, Sal. 110:1-4, Isa. 55:4-6, Isa. 56:1-8, Jer. 31:31-34, Ezk. 11:19-21**). Kon nos por kere ku nos **Fe** ta **remplasá òf surpasá Su Grasia**?. Ta **Su Grasia** so tin, **no tin nada otro**. Ta **ún Dios Tata** tin, **Dios di Abraham, Isaak i Jakòb**. E **Dios di Israel**. **Su Grasia** ta pa e **Hudiu** i esun ku **no ta Hudiu**, es-desir pa **tur hende** riba mundu.

Tin un **ekspreshon**, ku ta bisa den Ingles: "Don't throw the baby out with the bathwater". Hulandesnan ta bisa: "Het kind met het badwater weggooien". E nifikashon di e **ekspreshon** aki ta: no **rechasá** loke ta **esensial** huntu ku loke no ta **esensial**. E **Lei (Torah)**, e **mandamentunan, e enseñansa** ta **esensial**, ta pa esei **Kristu, Esun Ungi** a bini mundu pa yuda nos **komprené e mandamentunan, e enseñansa**.

**Kristu** tabata papia for di den **Tèstamènt Bieu**, pasobra no tabata tin **Tèstamènt Nobo** ainda, dia ku **Yeshua** a bisa: "Esaki ta **Mi Sanger** di e **pakto, tèstamènt, aliansa, konvenio nobo i mihó** ku lo wòrdu **dramá, brota, otorgá, distribuí** pa hopi komo un **ekspropiashon, pordon** pa **piká, maldat, violashon di Lei**, ku ta **ratifiká i konfirmá** e **pakto, tèstamènt, aliansa, konvenio nobo i mihó** (**Mateo 26:28; Marko 14:24; Lukas 22:20**).

**Kristu Su Sanger** a **ratifiká i konfirmá** e **pakto, tèstamènt, aliansa, konvenio nobo i mihó**. E **pakto, tèstamènt, aliansa, konvenio nobo i mihó** tabata skirbi den **Tèstamènt Bieu**, pasobra no tabata tin **Tèstamènt Nobo** ainda, es-desir **Yeshua** tabata papia di e **pakto, tèstamènt, aliansa, konvenio nobo i mihó** ku ta skirbi den **Jeremias 31:31** i ku ta konta pa **tur hende di mundu** manera ta skirbi den **Isaias 56:7**.

**E pakto, tèstamènt, aliansa, konvenio nobo i mihó aki ta konta pa tur hende ku obedesé, kumpli, hasi Su Lei (Torah), e mandamentunan, e enseñansa.**

5 Augustus 2016  
Sea Bendishoná den e Amor di Yeshua Mesias  
Rev. Remsly L Riley